

Haeuj Mbanjmyauz Son Dinfwngz Bang Demsou

进苗寨传技艺促增收

Mboengqneix, Yungzsuij Myauzcuz Swciyen Fulenz youq Anhdai Yangh Mbanjbeizsiu hai aen ban “giengz guék fukhwng miz gou, coenghrens saenqhwng lajmbanj” son mehmbwk dajsan, caetcib lai boux vunz gak minzcuz camgya. Lauxsae langhbaiej le baenzlawz dajsan, baenzlawz san ndaej ndei, cijdauj yozyen z dajsan. Gyoengq mehmbwk guh ndaej sug le, couh caeuq giyez ciem hozdungz, dawz doxgaiq ma ranz dajsan, geq soq hawj ngaenz, guh lai ndaej lai, hawj gyoengqde ndaej demsou, coenghrens saenqhwng lajmbanj.

(Vangz Yinz/黄云 Cinz Cangz/覃嫦)

► Lauxsae son mehmbwk Myauzcuz baenzlawz san ndaej engq ndei.



Cwngcwz Boujdiep Ndei, Canjnieb Ciengx Sae Ndaej Hwngfat

补贴政策好，螺蛳产业迎来发展期

Geij bi neix, sae gai ndaej bae, Liujcwngz Yen hwnq le lai aen dieggiek ciengx sae. Aen yienh neix ciuq song cungj vunqsik ciengx sae: Dan ciengx sae, cix ndaem haeux cix ciengx sae. Vih gujli vunz lai gaemxmaenx ciengx sae, Liujcwngz ok le cwngcwz boujdiep, moix moux ceiq lai bouj ndaej it cien song bak maenzngaenz. Daengx yienh seizneix aiq ciengx le it cien haj bak lai moux sae, gij dieggiek ciengx sae bak moux doxbae youh doxlienx haenx couh miz seiq dieg. Canjnieb ciengx sae cugbouh daiq vunzmbanj byaijhwng roen baenzmiz.

(Fungz Yenfangh/冯艳芳 Veiz Yaujbingz/韦晓平)



▲ Vunzmbanj ciengx sae ndaej baenz, gig sim' angq. Veiz Yaujbingz ingj

Fuk “Veh Nazhaeux” Hung Ndeu Cangndang Cenzcouh

巨幅“稻田画”扮靓全州

Laebcou daengz, fuk “veh nazhaeux” youh hung youh cauhamoq ndeu laeng Cenzcouh Yen Lungzsuij Cin daengz mwh ceiq ndei yawj lo. Bouxndaemnax aeu gij saek aeu, heu, henj, hau daengj haeuxnaz youq doenghnax “veh” ok fuk veh nazhaeux “gomiuz ndei gohaeux hom, miuz bya caemhmaj, iuj baihbaek Guengjsae, Cenzcouh gyaendei” ndeu. Bya angq ndawnax, yienh ok gij yisuz miz daegsaek gwnzbiengz Cenzcouh.

(Dangz Gvangjdungh/唐广东)



▲ Nazhaeux lumj fuk veh, langhbaiej Cenzcouh ndei.

Vujsenh Guh Hozdung Lwnh Son Minzcuz Doxgiet Baenaj

武宣开展民族团结进步宣教活动

Mboengqneix, Vujsenh Yen Cungjgunghvei youq sujgyaj hai ban son lwgnyez cizgungh vwnzva yisuz, cujiz aen doih gagnyienh fugsah guh hozdung lwnhgangj son' gyauq minzcuz doxgiet baenaj. Lumj fat swliu, gangj goj hoengz 《Saenq Bwngaeq》, yawj sibinz daeqceiz yezgyau daengj. Hawj daihgya daejniemh cingsaenz gyaezguk cuji, laeb ndei yinzswngghvanh, gyacizgvanh.

(Cau Siuh/赵肖)

◀ Bouxgagnyienh fat swliu hawj gyoengq lwgnyez.

